

百
名
家
詩
選

小引

魏子曰退谷云有色人不必盡爲妻妾有才人不
必盡爲朋友贊歎愛慕千古同情余常持此
以讀書交友于太司馬蒼巖先生庶乎其有合
也蓋余于先生分位旣殊山川復隔高山流水
之音徒聽諸雲霞縹緲間而已記往歲豫章索
梁杜合刻于陳伯璣把讀數晨久不忍釋手至
白下晤子濂杜大叅流連于秦淮燈舫中以浮
白大呼曰誰與君齊名者竟不得見乎大叅笑

曰陽春白雪閩中天地豈得盡知子但存其詩
以存其人焉可矣遇合固自有道也

百名家詩選

福清魏 憲惟度輯選

萊陽宋 琬荔裳 高陽李如汾澹菴

叅

膠州宋可發艾石 東莞尹龍光吳峯

梁清標

字玉立號蒼巖真定人

閒居

白日每易暮浮雲亦無心
長安何喧闐歲月徒
駸駸小院暑氣薄庭晝結秋陰
柴門無熱客危
坐逾蕭森時時手一編
散帙走白蟬涼風左右

至颯然開素襟幽花夜半舒坐中香微侵秋蟲
不知名徃徃得清音不寐受晚涼雨氣來遙岑
天地未有窮榮祿安足歆步兵何滌倒歲星甘
陸沉昔人有懷抱誰與測高深時譽非苟得投
分須黃金且酌杯中酒白眼托高吟

初春北上畱別兄弟

春風何澹蕩寒日照邵樓舍人治我裝遊子去
舊丘東門設祖帳親戚羅道周顧余麋鹿性林
壑夙所求用世本無具竊祿良足羞胡爲煩微

書勸駕多朋儔津亭傾離樽清淚沾敝裘帝闕
鬱岌巍王程敢遲留執手不能別前路云阻修
回首語昆季爲我治田疇茲行報明主歸臥西
山頭三徑勿蕪荒烟月長夷猶

再宿石門驛遇風

登車事晨征繁霜綴短袍朔風來萬壑竟日聲
怒號空山亂木摧旋轉如鴻毛飛沙捲雙旌征
夫心忉忉翹首望石門巉巉青壁高驛亭何慘
澹斜日銜林臯擁爐寒不寐楫枻傾濁醪客心

復如何壯懷聊自豪
昏月墮前巖孤燈空蕭騷
中夜聞荒雞嗷嗷起蓬蒿
四境多祁寒敢嗟行役勞

郊獵篇

朔風獵獵吹原野
小隊射獵東城下
健兒身手捷如飛
少年錦裘紫駟馬
沙黃日白霜草枯
仰視鴻雁浮雲徂
笑彎角弓擬霹靂
溪邊驚起雙飛鳥
合圍馳逐二十里
遙見空天皂鵬起
狐狸絕跡林鳥稀
纍纍一騎黃塵裏
太行積雪如瑤

宮斷橋冰裂響流水翻身欲入邯鄲城舉鞭笑
指新豐市市中有酒瀉葡萄相逢皆稱邯鄲豪
解鞍覓石敲新火入肆開鮮試寶刀丈夫不能
佩斗印且須落拓飲醇醪醉歸連轡炬明滅夜
看星辰太白高

奉常兄召飲金魚池歌

長安赤日如火然僕夫刺促車塵間金魚池頭
管絃動吾兄此地張高筵堂上風簾桃竹簾門
外腰褭金連鎖舉觴半是神仙客皎皎照人稱

玉尺揮塵四座笑語清荷花剪剪行几席歛忽
天末陰雲垂烟水溟濛氣蕭瑟紅牙板拍靈鼉
鼓龍笛啁啾雜急雨白墮頻浮琥珀杯秦青獨
擅梨園部響聲過雲雲不行鳬鷖泛泛珍珠傾
潏蛟起舞游魚出何如張樂臨洞庭共君掌中
杯莫空陰晴那能測化工海水三見揚塵土紅
顏無幾成衰翁君不見昭王昔築黃金臺千年
廢址生蒿萊又不見荆卿擊筑燕市歌壯士蕭
蕭逐逝波瀲灩魚藻塘蔥蒨郊壇樹不見當時

人猶存歌舞處都城遊騎日喧闐朝暮風光自
來去樽有酒歌未央蜉蝣天地間胡爲多憂傷
城烏啞啞高臺涼玻璃千頃何蒼茫安得長繩
繫白日接離倒着濯滄浪

胡韜穎入京賦贈

百戰驅馳後相逢鬢已華漸離初對酒越石自
吹笳身退仍多難功成未有家哀哀風木恨掩
淚向天涯

故國烽烟隔羈人道路難素書秋夜讀長劍醉

餘看開府推羊祜中原望謝安登樓應有賦孤
雁薊門寒

清明出遊

春色當寒食河橋列騎遊帝城初禁火杏苑正
鳴鳩暮雨郊壇樹青帘花市樓東風吹柳絮飄
落滿皇州

秋陰

雨過新涼夜秋風漸入簾草蟲吟短壁螢火閃
虛簷歲歉終何賴官貧敢自嫌閉門時偃臥人

謂學陶潛

保定道中拜漢昭烈關壯繆張桓侯廟

荒原風日淡遺廟傍河濱
霜變祠前草鳥啼戰後塵
蒿萊依手足喪亂見君臣
易水寒如昔千年舊烈新

百戰河山異巋然見漢宮
傍簷凋老檜繞屋響秋蟲
涕淚中原地馳驅國士風
鄉人勤伏臘何處哭英雄

對雨

署冷官如寄堦空影自移飛蟲暗羅網倦蝶坐
深枝稼事占收早鄉書恨到遲孤吟渾歷亂况
復雨絲絲

題李司寇陳姬遺像

想像春風面殷勤屬畫師曲房燒燭夜長笛倚
樓時畫永調鸚鵡歌成喚雪兒姍姍明月下初
訝珮環遲

素手閒閒帙依依笑靨生歌畱闌扇小香疊越
羅輕桃葉風前句梧桐雨後聲寂寥金谷苑花

草怨啼鶯

冬日從獵南苑

鳥號鳴曉日霜沒鐵連錢
天子真神武羣公
半少年縱鷹脫臂疾雪騎印沙圓
古禮稱冬狩
君王豈好畋

白日照霓旌迢迢接鳳城
離宮雲乍斂甲帳火
微明四野米霜色中宵鼓角聲
炊烟千縷上
飯羽林兵

南郊望不極驅馬雪中來
日饗熊羆士寒添乳

駱杯雙旌飛鳥避一騎按鵬迴解網知明聖
無煩諫獵才

送程翼蒼館丈司教蘇州

初挈琴書去雞啼古驛寒胡爲詞館客暫就廣
文官絳帳羅絲竹鱸堂息羽翰吳門佳麗地山
水足盤桓

似子金閨彥之官亦素風青氍毹家自具白雪和
難工江路隨秋雁霜天靜晚蓬酒錢煩吏給吟
倦有郢筒

送王望如司李泉州

萬里旅行始闢天
鳥路盤百蠻繁訟獄三尺重
刑官水驛叢蘭發榕城木葉寒
殊方同赤子莫當遠人看

懷柔縣坐月

十日風沙路懷柔
此暫居孤城山月小古木驛
亭疎桑柘冰霜後人家戰伐餘
思深渾不寐欲上監門書

西山道中

立馬依叢薄陰厓鳥自啼亂雲關樹北秋草漢
陵西日氣含朝雨山光落斷霓野僧驚節候向
暖理寒綈

薊州入山

晴色滋芳樹清溪灌莽田野塘春草徑花墅夕
陽天寒近生涯薄山深雨雪偏喧厓人境絕盡
日響流泉

贈翁仲千內翰

美人今喜拜官初款段羣驅冰雪餘橐筆遂稱

丞相掾直廬能讀累朝書
客星殿上傳方朔詞賦
宮中奏子虛身傍九霄
渾咫尺漫言溫室樹何
如

送姜淮思侍御巡視茶馬入秦

繡斧稜稜漢使豪
離情黯澹動干旄
沙寒古驛丹楓晚
風起黃河白雁高
善馬如雲調苜蓿
清笳對月醉葡萄
埋輪知爾憑三尺
塞上秋霜拭佩刀

早過金魚池

秋塘衰柳綰紅霞騎馬遲遲落帽斜載酒難同
山簡興過門猶識邵平家風行白水漂菰米露
濕青籬冷荳花縹緲日高臺殿出曉壇寒樹繞
啼鴉

吉津書來却寄

天涯十畝漸安貧千里緘書報故人應有公孫
虛左席謾教漁父慰孤臣名山史爲窮愁著同
舍情于異地親何必崎嶇惟遠塞乾坤咫尺暗
風塵

送劉潛枉給事還江寧

燕山送客意如何愁對驪駒白玉珂
良友似君同調少才人自昔左遷多
征鴻叫月依沙渚木葉飛霜下潞河
宜室卽今思賈誼漫從江上戀烟蘿

西風去國問垂綸短褐行吟嘆逐臣
海內汝爲真諫議少年羣號謫仙人
清齋說法長干雨避世還卅句曲春
當遇懶殘煨芋食空囊不復怨官貧

送張仲若大司馬開府雲中

元戎小隊擁雙旌
貴相星同上將明
羌笛晚吹青海戍
秋霜先下受降城
逍遙叔子看裘帶
譚笑希文有甲兵
莫道封侯論骨相
如今軍旅仗書生

虎符佩出未央宮
兩袖翩翩識素風
饗士轅門沉畫角
行邊俠少避青驄
尚書履接星辰近
太乙光連海嶽雄
紫塞卽看開斥堠
須知魏尚

雲中

送羅篁庵詹事致政歸里

羨君揮袖問巖扉
柳暗旗亭怨夕暉
杜若洲邊千嶂合
春潮天上一人歸
浮雲世事拋簪紱
故國生涯採蕨薇
京洛同遊今幾在
十年回首各沾衣

未老何緣賦遂初
臨岐慷慨酒樽餘
饒居江左能將母
病免文園自著書
三徑薜蘿吾道貴
十年筆札宦情疎
扁舟去國輕如葉
滄海無令歲月虛

送筮在辛歸丹徒

行行聽馬避如何忽著初衣返薜蘿
漢法三章懸日月宦途九折比江河
西窗雨夜攤書滿北固雲山伏枕多
知子蕭然忘寵辱好從靜室禮維摩

贈賀宣三令丹陽

萬卷牙籤近郭居高吟抱膝足三餘
平原公子能畱客玄晏先生好聚書
初試琴堂春雨潤曉臨水驛畫樓虛
知君爲政緣經術一縣花開錦

不如

贈高二亮

短衣朝市自行歌
萬里迎親意若何
孤客曉隨湘水雁
秋帆遙下洞庭波
漸離俠骨窮猶健
高適詩名晚更多
經歷中原戎馬地
壯遊勛業漫蹉跎

宿山驛

寂寥山驛宿茅屋
幾人家落日奔山鬼
開門散凍鴉

野望

莽莽落日黃
朔風吹古道
登高睠所懷
極目沙場草

行旅

盡日不離巖
壑寒雲自抱長
川夜坐驛亭殘
月曉行山店疎
烟

少年行

年少揮鞭控紫
驕自言家住古
幽州楞蒲一擲
黃金盡笑擁胡
姬上酒樓

清霜三尺拂刀環
醉後長歌白晝閒
走馬西山邊
日暮滿天風雪放鷹還

高堂宴罷奏琵琶
射得雙鵬向客誇
手擲金錢通貴戚
夜驅白馬宿娼家

石門驛道中

石門亂石水粼粼
野館荒雞喚客頻
殘雪千山行旅夜
曉霜兩鬢渡河人

百名家詩選

福清魏憲惟度輯選

曲阜孔胤樾心一 大名成 光覲天

萊陽宋琬玉叔 嘉善孫 榮青門

參

王熙字子雍號胥庭宛平人

詠史

毛生昔淪沒囊錫光耀寄食平原門三年不
被召奮身在末行微受公子誚當時十九人側
目皆含笑一定楚趙盟碌碌誰同調

春日扈從南海子觀大蒐

上苑回春馭傳呼夜漏催六龍雲裏下八陣日
邊開細草鳴鶯地雄風買駿臺應知宸筭遠
不爲詰戎來

秋日遣興

幸無當世事日與古人居風雨增新句江湖阻
素書梧聲幽自發砧響靜偏疎避俗真堪隱何
勞賦遂初

送泊水出守鳳翔

煙雨放春晴黃鸝夾岸鳴飛花隨去路征雁亂
離情日落山光遠風和野色平思君回首處華
岳暮雲橫

讀鳧盟詩投贈

昔日江南客行險意若何危時驚地窄旅食厭
人多鍾阜秋前月新亭醉後歌五湖煙艇小我
亦帶愁過

送趙友沂歸廣陵

別當秋雨後歸及塞鴻前那有不平意翻生知

已憐人行沙岍小樹近夕陽偏望望征帆遠清
霜欲暮天

送張繡虎歸里

長安之子去大雅一時稀風鶴驚猶在尊鱸興
不違夕陽催旅鴈木葉落征衣越土今何似湖
干可樂飢

汾湖野眺

萬家稻穫野光秋遊子臨湖雙淚流西北羣山
橫大漠東南一水隔皇州叢篁僻地猶風葉獨

鴈歸飛更遠
洲百戰背悲燕
趙地故園今只見
雲浮

送同年冀太守半偈任襄陽

寒風萬木冷
河橋極目南
天路轉遙前
引雙旌
揮赤羽新乘
五馬勒金鑣
紅雲京闕增
鄉思白
日湘江對落
潮此地猶歌
大堤曲習家
池上醉
花朝

送別鐵山宗伯

言歸幾纜海
邊槎十月清
霜聽曉笳
適意故宜

彭澤柳謀生且種邵平瓜
風寒烟霧孤帆迴人
遠關山落照斜
莫惜臨岐頻把袂
應憐客夢自
天涯

流離得至瓜洲友人樽酒相慰

荻花蘆葉月中闌
明滅湖光漁火寒
往事空流
清曉夢故鄉遙
向碧雲看霜天雁影
征途遠野
渚雞聲靜夜殘
客况飄零應命酒
憂懷暫許爲
君寬

渺渺江干一望
奢風傳清磬出蒹葭
月來故里

池亭想舟入波中歌吹遯鳥外峯嵐雲氣失林
前煙火水痕遮秋客瑟瑟菱蘆上沉醉何辭天
一涯

登金山侍家大人偕高侶鶴年伯紀堯章
先生暨紀仲霽井方中郭鍾一諸友

奇峯在望已多幽問徑逢僧到上頭荒荻遙連
雲外水飛巖遠接碧空流石根驚浪魚龍戲江
影浮天日月遊山色入波臺閣亂渺茫疑是泛
虛舟

岷峽東來盡海門波濤澎湃一峯尊山河萬里
垂雙淚鐘磬千年帶水痕黯淡難窮無去路渺
茫何處是中原窮途慰藉惟憑友日暮愁思滿
故園

借金雲卿寓句曲

杯酒消今夕他鄉夢易沈椿煩僧伴摘茗見汪
人心月好予難寢更深君自吟春光不相厭且
爲聽琴音

丹陽道中柬金季龍張亮公

蒼峯遠望氣濛濛十里寒光落照中溪色連雲
僧室暗歌聲帶雨酒燈紅天長草樹層霄接地
迴風烟一縷通在野興深增慨歎感君爲我慰
飛蓬

雲陽舟中送友東歸

朝來何事不勝悲寂寂離情怨子規惜別暫畱
寒雨夜送行無奈曉風時深溪霧捲飛花片平
野煙濛綠柳絲東去江城相望隔天涯何日更
追隨

惠山

日夕峯峯靜探奇隔水尋松陰覆小逕塔影落
幽林避亂欣乘興薄遊慚未深鳴榔人又去夢
裏憶登臨

晚泊虎丘遲宋玉伯玉仲玉叔諸先生不
至

隔水看山雲氣濛暫停舟楫待君同蒼林依渚
連峯碧漁火侵溪倚浪紅疎雨輕時低暮靄鐘
聲斷處卽松風千人石上遲遲立燈影移來是

綠桐

寓鮑赤城侍御山庄

日長山靜穆
瞻覽歎無依
宿雨鶯聲濕
流雲鶴羽肥
酒因愁緒縱
夢與故鄉違
飄泊魂猶悸
深巖且掩扉

閒步松陰落
無端身外思
鳥邊情更遠
花下意多遲
山色當樓入
溪聲隔岸移
秋風魂欲動
不勝客途悲

餘航山中喜遇聖秋

一年如雨別握手又他方北海知元禮江東重
偉長杖敦孺子列經問丈人行同調蕭條客無
言向夕陽

寓葉善長宅

入徑生紆折清陰靜不繁水痕依月冷桐瘦倩
朝暄急雨涼侵牖晚花紅到門鳴琴時可倚揮
塵聽高言

村居

村中多異致時傍落花居好鳥鳴煙外閒雲罩

水餘慵聞今日事愁憶古人書客舍增寒照秋
光似敝廬

望寶應懷李艱臣張韞仲

沙渚秋深意每驚蕭蕭蘆荻暮天情渡溪返照
藏佳月出水輕鳧浴晚晴雨過雲飛黃葉寺鐘
鳴人在夕陽城憑軒更憶揮杯後同向霜林聽
笛聲

初冬日照道中

鄉思何促迫計日逐歸輪霜草荒風白煙林曉

氣新途艱頻問路世亂莫辭貧萬木疑前路寒
光靜野塵

萊陽友人見過賦贈

奇山相對歎無鄰欲卜丘園息此身假館尚難
占好夢還鄉未定羨居人王褒名自文章遠黃
憲交因師友親惟念諸君多感慨策如鼂董可
能陳

雨花臺

落日未窮千里望青山遙映半城陰敬亭隔在

數峯外滿路閒花有盡心

小引

魏子曰虞山先生以大宗伯閉門掃軌潛修三十年甚介歸命本朝知天意攸歸甚哲坐擁百城著書等身矻然如素士甚簡延攬名士遞及術數不惜贈言甚廣選列朝詩有大書特書之旨甚嚴築我聞室與柳夫人如是長齋繡佛甚快且沉酣載籍登作者之堂晚年耽僻問出入于釋典不曰英雄欺人則托而遜焉甚宏以肆至其爲詩率乎性止乎情總漢魏唐宋元明

諸家而探其旨趣始彷彿少陵終且放而之香山甚宕以縱余辛丑之秋汎舟大瀾挂帆九峯讀先生詩于陳徵君草堂漏將三下忽風伯雨師交臂震呼如欲劈窓攬虞山詩以去者從遊客抵掌大笑曰古人詩能泣鬼神撼山岳虞山詩且能驅風雨矣豈子平日快誦其詩多所竊語故三尺靈光挾天地噫氣以入余亦傍徨不敢卽安覺四壁殘熒搖搖欲滅中有皤皤黃鬢呼之或出者豈其仙耶其佛耶抑古之人耶急

取虞山集藏之敝簏壓以古龍精將達旦始息
信乎其有神靈阿護非僅僅比典之陳使天下
尋聲逐影者曰虞山虞山在是也茲先拔其秀
色者付剞劂氏

百名家詩選

福清魏憲惟度輯選

吳縣范周挺嶽江寧王仕雲望如叅

晉江陳寶鑰綠厓無錫錢肅澗礎日

錢謙益號牧齋常熟人

正月十四日與邵僧彌看梅西山由橫塘

抵光福

放舟出橫塘喜與煙郭遠遠景宜日斜清游取
春淺嫩柳綠未舒寒條翠將展近水樹乍明遙

卷之七

峰月漸顯同舟得佳侶靜好有餘善行看煙巒
紆坐愛溪橋轉約畧雲樹間西山累甌甌山容
如高人作意任偃蹇我生在塵網鹿鹿苦未反
明朝山中雲倘笑歸來晚再拜萬樹梅爲我滌
顏覲

元夕阻雨泊舟光福

尋花不覺遠直入梅花邨孤蓬坐滴瀝清曉如
黃昏未能理蠟屐何暇開清樽名花初發時燕
賞亦遲人西山千萬樹亞枝趁朝暾洗粧映流

水薄寒倚柴門豈知墮煙雨掩抑空淚痕
如靜女有恨初不言我懷同楚客莽莽欲斷魂
世無別花人此意誰與論

吳門送福清公還閩

甲寅

都門祖帳藹如林却望彤墀淚不禁
出處頻煩明主念安危何限老臣心
夢回漸覺朱衣遠身退初知白髮深
林下有人君側少知公未忍說投簪

介圭爭望錫河山忍聽優歌枯苑間
春盡親王

將就國夜分御札尚封還赤心自慙縈千折丹
地頻驚扣九關羽翼已成商老去漢庭容易點
朝班

西山道中

上陵何幸得幽期夢裏西山慰我思泉石兩枯
惟有竹鶯花春老尚無姿歸鴉禁鑰愁偏急疏
馬斜陽喜竝馳來往鵲鴻紛接武祇因儂野獨
差池

碧雲寺

丹青臺殿起層層
玉碣雕闌取次登
禁近恩波蒙葬地
內家香火傍禪燈
豐碑鉅刻書元宰
碧海紅塵問老僧
禮罷空王三歎息
自穿蘿徑拄孤藤

香山寺

千峯匝匝更分明
礪複岡廻一徑清
天遠夕陽連海色
山空晚院聚鐘聲
雲從石磴中間出
月向香臺下界生
萬疊煙巒欄檻外
不知何處與身平

春日過易水

驅車信宿驛程閒
雙鬢蕭騷春又還
易水到來偏易感
酒人別去更相關
暮雲官闕愁心繞
落日衣冠古道閒
老大不堪論劒術
要離墳畔有青山

北上渡淮寄里中游好

少壯真非把翫時
後游今已歎衰遲
逃禪定入遠公社
乞食還過漂母祠
闕對秋鷹藏老手
閒臨春鏡簡新絲
天涯我亦憐同病
落日蒼涼有

所思

懷李先輩長蘅

鎖院文章京雒塵
篝燈每共話酸辛
青袍奉母誰如子
席帽趨時自有人
精舍繙經招淨侶
晴窗闕墨趣閒身
明季相約桃花水
一笑清溪整角巾

懷文狀元文起

蕭然襆被出都城
此日班行繫重輕
不是翰林增諫草
誰令天子放門生
堦前警鶴諸琴德
竹

裏遷鶯和友聲綠浪紅欄佳麗地思君白月照
柴荆

懷王僉事淑士

吳趨車馬競厖喧中有幽人獨寤言紅藥授書
懷北郭青燈讀易想南園齋心梵夾時繙閱抱
膝長編自討論安得丹鉛從所好與君風雪閉
重門

雨中過清流關

雨氣微茫積翠分旋粧行路景氤氲僧攜箸笠

穿紅樹人坐籃輿度白雲古磻墮樵衝水下空
林落葉隔溪聞鄉心不耐關山笛又聽鐘聲報
夕熏

南歸感事

破帽青衫出禁城主恩容易許歸耕趁朝龍尾
還如夢穩臥牛衣得此生門外天涯遷客路橋
邊風雪塞驢情漢家中葉方全盛五噫何勞嘆
不平

齊物粗知蒙邑書詎應戴笠羨乘車敝冠何意

彈新沐脫髮誰能戀曉梳身隱不須言放逐時
清未可廢樵漁耦耕舊有高人約帶月相看竝
荷鋤

謂程孟陽也

蛺蝶詞

一庭花霧晝冥濛蛺蝶雙飛逐好風依約黃簾
還繡幙可曾飛過宋家東

漂母祠

韓侯釣水遠城垣青史猶垂進食言人以千金
知老母天將一飯試王孫孤生書劍霑新淚逐

客簪纓感昔恩欲薦渚蘋何限恨寒鴉落日滿
祠門

欲別東樓去

欲別東樓去樓遲念浹旬槐陰亭早夏燕語
餘春酒爲開嘗好書從借看新他時與朋好
風雨話斯晨

春游

踏青車馬過清明薄靄新煙逗午晴日射天桃
含色重風和弱柳著衣輕春禽欲傍釵頭語芳

草如當屐齒生每向東山看障子不知身在此
中行

韶光是處著芳叢
轆轤香車輾鏡中
拂水礪如圍繡帶
石城山作畫屏風
柳因鶯淺低迷綠
花爲春深歷亂紅
璧月半輪無那好
碧桃樹下小房櫳

河間城外柳

長條垂似髮
鬢鬢拂馬眠
衣總不堪
昨夜月明搖漾處
曾牽歸夢到江南

倣元微之何處生春早

何處生春早春生畫舫中花迎千嶂碧柳罨小
橋紅溪女憐新霽菱歌愛晚風西施舊明月偏
照五湖東

夜步虎山橋

信步尋溪橋卹犬吠林杪月色淡自佳山行誤
亦好暮峰歛餘黛早梅開輕縞定知今宵夢空
濛入幽討

十七日早晴過熨斗柄登茶山歷西磧彈

山抵銅坑還憩衆香菴

吳山環西南其山秀而嶧鬱盤起玄墓迤邐屬
西磧梅花生其中居然好宮宅譬被冰雪姿綽
約處姑射回環具區水粘天浸寒碧空濛滋霜
根浩渺蕩月魄湖山畜氣韻煙雲發芳澤所以
西山梅迴出凡梅格我來早春時發興蠟雙屐
探奇忘晴雨尋花越阡陌茫茫梅花海上有花
霧積不知何處香但見四山白籃輿度花杪登
頓旋已易恍忽如夢境愕眙眩游跡縱覽乘朝

轍畱連坐日夕殘陽挂煙樹橫斜似初月清游
難省記勝情易追惜還恐梅花神忙煥笑遭客
花朝魏仲雪徐于王諸人宴集賦詩用花
朝二字排韻余閉關不得與仲雪枉詩
見示依韻奉和兼簡于王

不分春光取次奢小闌側畔想芳華晴煙籠柳
村村雨煖日薰桃樹樹霞舊社房櫺看到燕新
粧簾幕記回車憑君傳語東風道莫放花期過
棟花

渭南梁生爲余寫真題二絕句

顛顚南冠冰雪晨
天庭黃色自生春
憑君摹寫胥靡樣
可是商家夢裏人

畫得漁翁貌不肥
春愁鵝髮正依稀
君家渭水南頭住
爲我平添舊釣磯

舟行

斷岸蘆抽白斜陽蓼褪紅
舟行秋色裏人在水
聲中掠燕經殘雨吟蟬趣
晚風陰蟲休切切已
是白頭翁

玉堂雙燕行送劉晉卿趙景之兩太史謫官

玉堂晝煖薰風香雙雙燕尾搖倉琅背飛竝映
銀花榜託宿交棲玳瑁梁感君恩重巢君幕顧
影呢喃前復却何當鳴梧比丹鳳且願銜花效
黃雀啁哳辭歸未忍歸差池掠羽試雙飛風迴
鈴索聲猶在日過花磚候已非珠簾十二秋風
促蘆雪菰煙何處宿明年祀日蚤歸來籬口銜
泥補君屋

讀梅邨宮詹艷詩有感書後

上林珠樹集啼烏阿閣斜陽下碧梧博局不成
輸白帝聘錢無籍貫黃姑投壺玉女知天笑竊
藥姮娥爲月孤淒斷禁垣芳草地滴殘清淚到
靡蕪

撾鼓吹簫罷後庭書帷別殿冷流螢宮衣蛺蝶
晨風舉畫帳梅花夜月停銜壁金釭憐旖旎翻
階紅藥笑娉婷水天閒話天家事傳與人間總
淚零

鸚鵡

鸚鵡人憐汝雕籠絮養成翠衿矜妙麗紅背關
聰明側近偷言語憑高澹檻檻君何憂反舌時
過寂無聲

八月十二夜

憑闌風露浩難收旋覺清光在上頭橫攬烟巒
成小築平臨雲物見高秋月穿窈窕山皆漏湖
逗空明野欲流尊酒相看多遠思蘆花如雪記
滄州

人日得張藐姑刑侍書却寄

書閣摩挲喚古香水消硯北逗春光蕭條歲序
逢人日迢遞音書到草堂天井烽烟新壁壘玉
關覓夢舊風霜天涯相望俱頭白各對梅花說
斷腸

京口渡江有寄

春陰和雨黯孤舟歷歷津亭抵夢游芳草未知
爲客意暮雲偏領渡江愁驚沙望裏燕城賦畫
角飄來萬歲樓寄語半山堂上客壺觴還似舊

風流

西湖雜感

方袍蕭灑角巾偏才上紅樓又畫船脩竹偃娟
調鶴地春風蘊藉養花天蜨過柳院迎丹粉鶯
坐桃溪候管絃不是承平好時節湖山容易著
神仙

題丁家河房亭子

在青溪遶步之間

花邊柳外市朝新夢裏華胥自好春夾岍翹塵
三月柳疏牕金粉六朝人小姑溪水爲鄰並邀

蓬風流是後身白首吳鉤仍借客看囊一笑豈
長貧

留題湖舫

船名不繫園

湖上隄邊艤棹時菱花鏡裏去遲遲分將小艇
迎桃葉徧采新歌譜竹枝楊柳風流烟草在杜
鵑春恨夕陽知憑闌莫漫多回首水色山光自
古悲

悼鶴

殘年百事苦傷悲更報胎禽去曉池院落又如

下愛子寢門應比哭相知乘軒任爾誇新寵爭
樹還誰占舊枝商畧雲山瘞仙骨玄黃祗恐未
相宜

瘞鶴之明日有鶴翔于鄉園宗老明翼氏
購得贈予感而致謝

獨鶴仍從海上來柴門還爲羽衣開丹丘信隔
猶凝望紫府書通便却迴顧影似憐曾舞雪返
蒐應逐未殘梅仙家騏驎非凡骨寄謝詩人莫
漫猜

贈佟中丞滙白

時繇閩度後旋江浙
啟行之候正值初度

數卷圖書一水香
鬱孤臺裏理新裝
江梅並詠新詩卷
海月長懸舊印牀
桃葉後庭紅豆曲
梨花前隊綠沉槍
壽筵攜得天厨酒
千里何須走鶴觴

玉帳牙旗累策勲
黑頭麟閣早知聞
三方節鉞推開府
一半河山屬使君
閩海舊諳魚鳥陣
越江新領鵝鵝軍
懸弧正應彤弓錫
遙指鑒間拜五雲

六琯陽回朔氣和，燭花如月酒如波。
金章競奏清風頌，鐵騎齊揮挽日戈。
一宿崇朝朝紫極，雙星永夕傍銀河。
碧桃午夜開花遍，遼鶴爭知幾度過。

銚車鄭重詔東巡，紫誥黃封燕喜頻。
天上小紅花不夜，人間重碧酒長春。
客如彭叟羹藟家，有麻姑脯擗麟。
記取良常開宴後，嘉平終古是芳辰。

徐州雜題

卷之七

彭城十日水奔流太守行呼吏
卒愁河復詩成
無一事羽衣吹笛坐黃樓

柳老花殘木葉秋西風斜日總牽愁
天涯大有
多情客不忍輕過燕子樓

小引

魏子曰文人相輕同鄉尤甚風之倫也非自今
矣獨吳中諸子于虞山則宗牧齋于婁江則宗
梅邨奉爲金科玉軸不敢違越焉噫何桑梓之
敬歷五十餘年無異詞也牧齋詩余旣論定行
世矣於梅村先生敢靳國門哉憶先生之元辛
未也出吾鄉周芮公門時石齋東崖皆在朝如
草木之有臭味無不投也故閩人知之最先余
兩過婁東維舟江干造廬請教先生爲下榻出

新舊詩古文辭相與訂正琴尊香茗間甚欵欵也迨辛亥維夏相遇虎丘謀補石倉之選先生贈序過爲揄揚其表章古人引掖後輩一片誠心可鏤金石余屢志之今先生往矣詩篇流在天壤如日月之麗江河之行罔勿之也亦罔勿仰也近有摘而疵取之者曰某篇驕縱也某篇憤嫉也某篇不爲明人諱過也某篇恐屬愛護畏譏也嗟乎先生交道太廣廣則難周今日之起而謗訕者卽平日之俛而乞憐之人或自號

名士或妄許山人或還俗僧流或不識也者皆
欲網利藝林輕薄前哲豈真怨毒之于人甚哉
亦其人之涼薄性成欲決東海之波傾注華岱
耳蕭統有言曰剝復消長中有至理排幹元氣
存乎其人今梅邨詩陶冶于漢魏而潤澤于盛
初楔蒇于德性而煥發于典籍當身已見其播
傳後代更推爲宗主吾又何容贅哉

百名家詩選

福清魏 憲惟度輯選

曲阜孔胤樾心一 太倉毛天麒如石

叅

南昌熊一瀟蔚懷 三原孫枝蔚豹人

吳偉業

字駿公號梅村太倉人

石公山

真宰劇雲根奇物思所置養之以天地盆盎插
靈異初爲仙家園百仞千倉閉釜鬲炊雲中杵
日鳴天際忽而遇巖城猿猱不能縋遠窺樓櫺

卷之八
堅逼視戈矛利一關當其中飛鳥爲之避仰睇
微有光投足疑無地循級登層巔天風豁蒼翠
疲喘千崖牛落落誰能制僂僂一老人獨立拊
其背旣若拱而揖又疑隱而睡此乃爲石公三
問不吾對

歸雲洞

歸雲何巉巖巖雕斲自太古千松互盤結托根無
一土呀然丹崖開蒼茫百靈斧萬載長欹危撐
拄良亦苦古佛自爲相一身雜仰俯依稀莓苔

中葉葉青蓮吐若以皮真詮足號藏書府仙翁
刺舡來坐傍麒麟脯鐵笛起中流進酒虬龍舞
晚向洞中眠叱石開百武牀几與棋局一一陳
廊廡翩然自茲去黃鵠瀟湘浦恐使吾徒窺還
將白雲補

永和宮詞

揚州明月杜陵花夾道香塵迎麗華舊宅江都
飛燕井新侯關內武安家雅步纖腰初召入鉤
合金釵定情日豐容盛鬋固無雙蹴鞠彈碁復

第一。上林花鳥寫生綃。禁本鍾王點素毫。楊柳
風微春試馬。梧桐露冷暮吹簫。君王宵旰無歡
思。宮門夜半傳封事。玉几金床少晏眠。陳娥衛
艷誰頻侍。貴妃明慧獨承恩。宜笑宜愁慰至尊。
皓齒不呈微索問。娥眉欲蹙又溫存。本朝家法
修清讜。房帷久絕珍奇薦。勅使惟追陽羨茶。內
人數減昭陽膳。維陽服製擅江南。小閣爐烟沉
水含。私買瓊花新樣錦。自修水遞進黃柑。中官
謂得君王意。銀環不如溫成貴。早日艱難護大

家○比○來○歡○笑○同○良○娣○奉○使○龍○樓○賈○佩○蘭○往○還○偶
失○兩○宮○歡○雖○云○樊○姬○能○辭○令○欲○得○昭○儀○喜○怒○難
綠○綈○小○字○書○成○印○璽○函○自○署○充○華○進○請○罪○長○教
聖○主○憐○含○辭○欲○得○君○王○慍○君○王○內○顧○恤○傾○城○故
劍○還○存○敵○體○恩○手○詔○玉○人○蒙○詰○問○自○來○階○下○拭
啼○痕○外○家○官○拜○金○吾○尉○平○生○游○俠○多○輕○利○縛○客
因○催○博○進○錢○當○筵○便○殺○彈○箏○伎○班○姬○才○調○左○姬
賢○霍○氏○驕○奢○竇○氏○專○涕○泣○微○聞○椒○殿○詔○笑○譚○豪
奪○灞○陵○田○有○司○奏○削○將○軍○俸○貴○人○冷○落○宮○車○夢

永巷傳聞去玩花。景和門裏誰陪從。天顏不憚
侍人愁。后促黃門召共游。初勸官家伴不應。玉
車早到殿西頭。兩王最小牽衣戲。長者讀書少
者弟。問道羣臣譽定陶。獨將多病憐如意。豈有
神君語帳中。漫云王母降離宮。巫陽莫救蒼舒
恨。金鎖雕殘玉筍紅。從此君王慘不樂。叢臺置
酒風蕭索。已報河南失數州。况經少子傷零落。
貴妃瘦損坐匡床。慵髻啼眉掩洞房。豈堪湯溫
水簾冷。荔支漿熱玉魚涼。病不禁秋淚沾臆。裴

回自絕君王膝。苔沒長門有夢歸。花飛寒食應相憶。玉匣珠襦啟便房。薤歌無異葬同昌。君王欲製哀顰賦。諫筆詞臣有謝莊。頭白宮娥暗嚔楚。庸知朝露非爲福。官草明年戰血腥。當時莫向西陵哭。窮泉相見痛倉黃。還向官家問永王。幸免玉環逢喪亂。不須銅雀怨興亡。自古豪華如轉轍。武安若在憂家族。愛子雖添北渚愁。外家已葬驪山足。夜雨椒房陰火青。杜鵑啼血濯龍門。漢家伏后知同恨。止少當年一貴人。碧殿

婁涼新木拱○行人尚識昭儀塚○麥飯冬青問茂
陵○斜陽蔓艸埋殘壠○昭丘松檟北風哀○南內春
深擁夜來○莫奏霓裳天寶曲○景陽宮井落秋槐○

宣宗御川敍金蟋蟀盆歌

宣宗在御昇平初○便殿進覽幽風書○煖閣才人
籠蟋蟀○晝長無事爲歡娛○定州花甕賜湯沐○玉
粒瓊漿供飲啄○敍金蟋蟀隱雙龍○果廠雕盆錦
香褥○飲飛着翅逞腰身○玉砌軒轡試一鳴○性不
近人須耿介○才堪却敵在慄○輕君王暇豫留深

意棘門壩上皆兒戲鬪鷄走狗謾成功今日親
觀戰場利坦額長身張兩翼鋸牙植股鬚如戟
漢家十二羽林郎蟲達封侯功第一臨淮真龍
起風雲二豪螾蛉張與陳草間竊伏竟何用竈
下廝養非吾羣大將中山獨持重却月城開立
不動兩目相當振臂呼先聲作勢多操縱應機
變化若有神僞突彷彿常開平黃鬚鮮卑見股
栗垂頭折足亡精魂獨身跳兔追且急拉折扳
翻只一擲螭螭塞外蠕蠕走使氣窮搜更深入

當前拔柵賭先登，奪采爭籌爲主人。自分一身
耳瓦注，不知重賞用黃金。君王笑謂當如此，楚
漢雌雄何足齒。莫嗤超距浪輕生，橫草功名須
致死。二百年來無英雄，故宮瓦礫吟秋風。一寸
山河鬪蠻觸，五千甲士化沙蟲。灌莽微軀一何
有，捉生誤落兒童手。蟻賊穿墉負敗勢，戰骨雖
香嗟速朽。涼秋九月長安城，黑鷹指爪愁雙睛。
錦鞬玉繚競馳逐，頭鵝宴上爭輸贏。關鴨欄空
舞馬死，開元萬事堪傷心。秘閣舊書遇兵火，厰

盒宜窰賤如土名都百戲少人傳貴戚千金向
誰賭樂安孫郎好古癖剔紅填漆收藏得我來
山館見雕盆蟋蟀秋聲增歎息嗚呼漆城蕩蕩
空無人哀螫切切啼王孫貧士征夫盡流涕惜
哉不遇飛將軍

聽女道士卞玉京彈琴歌

駕鵝逢天風北向驚飛鳴飛鳴入夜急側聽彈
琴聲借問彈者誰云是當年卞玉京玉京與我
南中遇家近大功坊底路小院青樓大道邊對

門却是中山住中山有女嬌無雙清眸皓齒垂
明璫曾因內宴值歌舞坐中瞥見塗鴉黃問年
十六尚未嫁知音識曲彈清商歸來女伴洗紅
妝枉將絕技矜平康如此纔足當侯王萬事倉
皇在南渡大家幾日能枝梧詔書忽下選蛾眉
細馬輕車不知數中山好女光徘徊一時粉黛
無人顧艷色知爲天下傳高門愁被旁人妒盡
道當前黃屋尊誰知轉盼紅顏誤南內方看起
桂宮北兵早報臨瓜步聞道君王走玉驄轎車

不用聘昭容幸遲身入陳宮裏却早名填代籍
中依稀記得祁與阮同時亦中三宮選可憐俱
未識君王軍府抄名被驅遣漫詠臨春瓊樹篇
玉顏零落委花鈿當時錯怨韓擒虎張孔承恩
已十年但教一日見天子玉兒甘爲東昏死羊
車望幸阿誰知青塚淒涼竟如此我向花間拂
素琴一彈三嘆爲傷心暗將別鵲離鸞引寫入
悲風怨雨吟昨夜城頭吹篳篥教坊也被傳呼
急碧玉班中怕點畱樂營門外盧家泣私更裝

東出江邊恰遇丹陽下渚舡剪就黃蘗貪入道
攜來綠綺訴嬋娟此地繇來盛歌舞子弟三班
十番鼓月明絃索更無聲山塘寂寞遭兵苦十
年同伴兩三人沙董朱顏盡黃土貴戚深閨陌
上塵吾輩漂零何足數坐客聞言起歎嗟江山
崩瑟隱悲笳莫將蔡女邊頭曲落盡吳王苑裏
花

蘆洲行

江岸蘆洲不知里積浪吹沙長灘起云是徐常

舊賜莊百戰勲名照江水祿給朝家禮數優于
孫萬石未云酬西山韶許開煤冶南國恩從賜
拔洲江水東流自朝暮蘆花瑟瑟西風渡金戈
鐵馬過江來朱門大第誰能顧惜薪司按先朝
冊勲產蘆洲迫于粒已共田園沒縣官仍收子
弟徵租入我家海畔老田荒亦長蘆根豈賜莊
州縣逢迎多妄報排年賠累是重糧丈量親下
稱蘆政鞭笞需索輕人命胥吏交關橫派征差
官恐喝難供應江南尺土有人耕踏勘終無豪

占情徒起再科民力盡却虧全課國租輕詔書
昨下知民病解頭使用今朝定早破城中數百
家蘆田白售無人問休嗟百姓困誅求樵悴今
看舊五侯只好負薪煨馬矢敢誰伐荻上漁舟
君不見舊洲已沒新洲出黃蘆收盡江潮白蕩
束千車運入城草場馬廐如山積樵蘇猶向鍾
山去軍中日日燒陵樹

再觀打水詞

官催打水不肯行座舡慨泊商舡停商舡雖住

起潛聽冰底有聲
舵牙應桅竿旗動
吹南風舟子喜甚
呼牒牒兒童操挺
爭跳躍其氣早奪
馮彝宮砦如蒼崖
崩巨石鉤如戈矛
相撞擊湍如雲氣
騰虛空颯如雨聲
飛淅瀝河伯娶婦
三口眠霜紈方空
張輕烟忽聞裂帛
素娥笑玉盤銀甕
傾流泉別有鮫綃
還未醒沉魚浮藻
何隱隱上冰猶結
下水衍視水如燈
取水影冰輪旣碾
相催送三千練甲
皆隨衆激岸迴湍
冰負冰白龍十丈
鱗鱗動自古水嬉
無此觀披裘起坐
捲

簾看估客兼程食夜發却愁明日西風寒
輕雷殊不已醉裏扁舟行百里安得并州第四
弦彈徹冰天霜月起

海市

仙人太乙祀東萊不信蓬瀛此地開
虹跨斷崖通羽蓋魚吞倒影出樓臺
碧城烟合青蔥樹赤岸霞蒸絳雪堆
聞道秦皇近南幸舳艫千里射蛟回

灝氣空濛萬象來非烟非霧化人裁
仙家因爲

休糧閉河伯宮因娶婦開金馬衣冠蒼水使石
鯨風雨濯龍臺鑿空博望頻回首天漢乘槎未
易才

東南天地望中收神鬼蒼茫百尺樓秦峙長松
移絕島梁園修竹隱滄洲雲如車蓋旌旗繞峯
迴香爐烟靄浮却笑燕齊迂怪士祇知碣石有
丹丘

激浪崩雲壓五湖天風吹斷海城孤千門聽擊
馮燹鼓六博看投玉女壺蒲葦草荒春徙帳滄

滇月冷夜探珠誰知曼衍魚龍戲翠蓋金支滿
具區

鴛湖曲

鴛鴦湖畔草粘天二月春深好放船柳葉亂飄
千尺雨桃花斜帶一枝烟烟雨迷離不知處舊
堤卻認門前樹樹上流鶯三兩聲十年此地扁
舟住主人愛客錦筵開水閣風吹笑語來畫鼓
隊催桃葉伎玉簫聲出柘枝臺輕靴窄袖嬌粧
束脆管繁絃競追逐雲鬟弟子按霓裳雪面叅

軍舞鸛鵒酒盡移船曲榭西蒲湖燈火醉人歸
朝來別奏新翻曲更出紅粧向柳堤觀樂朝朝
兼暮暮七貴三公何足數十幅蒲帆幾尺風吹
君直上長安路長安富貴玉驄驕侍女薰香護
早朝分付南湖舊花柳好畱烟月待歸橈那知
轉眼浮生夢蕭蕭日影悲風動中散彈琴竟未
終山公啟事成何用東市朝衣一旦休北邙坏
土亦難畱白楊尚作他人樹紅粉知非舊日樓
烽火名園竄狐兔畫閣猶存老兵坐寧使當時

沒縣官不堪朝市都非故我來倚棹向湖邊烟
雨臺空倍惘然芳草乍疑歇扇綠落英錯認舞
衣鮮人生快樂終安極年去年來增歎息聞笛
休嗟石季倫斷杯且效陶彭澤君不見白浪掀
天一葉危收竿還怕轉船遲世人無限風波苦
輸與江湖釣叟知

避亂廣陵

浩劫知難問秋風天地哀神宮一柱火仙竈五
丁雷劍去龍沙收鐘鳴鼙鼓來可憐新戰骨落

日獨登臺

彭蠡初無鴈潯陽近有書
干戈愁未定骨肉苦
離居江渚宵傳析山城
里出車終難致李白臥
病在匡廬

課女

漸長憐渠易將衰
覺子難晚來燈下立
攜就月中看弱喜從
師慧貧疑失母寒亦
知談往事生日在長
安

送張學博孺高之官江北

薄宦非傍郡孤舟幾日程詩傳沛子弟禮問魯
諸生冰冽官廚釀城荒射圃耕北來車馬道猶
喜簡逢迎

病中別孚令弟

此意無人識惟應父子知老猶經世亂健反覺
兒衰萬事愁何益浮名悔已遲北來三十口盡
室更誰依

送紀伯紫往太原

佐府偏多暇從容岸幘時詩成千騎待檄就百

城知從獵貪呼妓行邊快賭棋歸將出塞曲唱
與武陵兒

長安雜詠

鼓角鳴鞘下建章平明獵火照咸陽黃山走馬
開新埒青海求鷹出大荒奉轡射生新宿衛帶
刀行炙舊名王侍臣獻賦思遺事指點先朝說
豹房

聖駕幸南海子遇雪大獵

君王羽獵近長安龍雀刀鏤七寶鞍立馬川原

千騎擁賜錢父老萬人看霜林白鹿開金彈春
酒黃羊進玉盤不向回中逢大雪無因知道外
邊寒

送曹秋岳以少司農遷廣東左轄

江東才子漢平陽身歷三臺拜侍郎五管清秋
懸使節百蠻風靜據胡牀珠宮作貢通滄海象
郡休兵奉朔方早晚鄼侯能薦達鋒車好促舍
人裝

秋風匹馬尉佗城銅鼓西來正苦兵萬里虞翻

空遠宦十年楊僕自專征山連鳥道天應盡日
落蠻江浪未平此去好看宣室召漢皇前席問
蒼生

銅柱天南起暮笳蒼山不斷火雲遮羅浮客到
花爲夢庾嶺書來鴈是家五月蠻村供白墮千
年仙實訪丹砂炎州百口堪同住莫遣閒愁感
鬢華

送同年江右朱遂初憲副固原

銜杯落日指雕鞍渭北燕南兩地看士馬河湟

征伐罷弟兄關塞別離難荒祠黑水龍湫暗絕
坂丹崖鳥道盤錯認故京還咫尺幾人遷客去
長安

清秋柳陌響朱輪帳下班聲到近臣萬里河源
通大夏七盤山勢控新秦北庭將在黃驄老西
海僧來白象馴最喜安邊真節使君恩深處少
風塵

自嘆

誤盡平生是一官棄家容易變名難松筠敢厭

風霜苦魚鳥猶思天地寬
鼓枻有心逃甫里推車何事出長干
傍人休笑陶弘景神武當年早掛冠

揚州

野哭江村百感生
關雞臺憶漢家營
將軍甲第藥弓臥丞相中原拜表行
白面談邊都入幕赤眉求印却翻城
當時只有黃公覆西上偏隨阮步兵

盡領通侯位上卿三分淮蔡各專征
東來處仲

無他志北去深源有盛名江表衣冠先解體涼
西豪傑竟投兵只今八月觀潮處浪打新塘戰
鼓聲

撥盡琵琶馬上絃玉鈎斜畔泣嬋娟紫駝人去
瓊花院青塚魂歸錦纜船荳蔻稍頭春十二茱
萸灣口路三千隋堤壁月珠簾夢小杜曾游記
昔年

過淮陰有感

落水淮南鴈影高孤城殘日亂蓬蒿天邊故舊

愁聞笛市上兒童笑帶刀世事真成反招隱吾
徒何處續離騷昔人一飯猶思報廿載恩深感
二毛

登高悵望八公山琪樹丹崖未可攀莫想陰符
遇黃石好將鴻寶駐朱顏浮生所欠止一死塵
世何由得大還我本淮王舊雞犬不隨仙去落
人間

贈遼左故人

路出河西望八城保官老母淚縱橫重圍屢困

孤身在垂死翻悲絕塞行盡室可憐逢將吏生
兒真悔作公卿蕭蕭夜半玄菟月鶴唳歸來夢
不成

齊女門前萬里臺傷心砧杵北風哀一官悞汝
高門累半子憐渠快壻才失母兄經關塞別從
夫只好夢魂來摩娑老眼千行淚望斷寒雲凍
不開

功臣廟

畫壁精靈間氣豪鄂公羽箭衛公刀丹青賜額

豐碑壯檠戟傳家甲第高鹿走三山爭楚漢雞
鳴十廟失蕭曹英雄轉戰當年事采石悲風起
怒濤

玄武湖

覆舟西望接陂陀千頃澄潭長綠莎六代樓船
供將士百年版籍重山河平川豈習昆明戰禁
地須通太液波烟水不關興廢感夕陽聞已唱
漁歌

梅村

枳籬茅舍掩蒼苔，乞竹分花手自栽。
不好諸人貪客過，慣遲作答愛書來。
閒聽雨，攤詩卷，獨
樹看雲上嘯臺。桑落酒香盧橘美，釣船斜繫草堂開。

別丁飛濤兄弟

把君詩卷過扁舟，置酒離亭感舊遊。
三徑雲間空想像，二丁鄴下自風流。
湖山意氣歸詞苑，兄弟文章入選樓。
爲道故人相送遠，藕花蕭瑟野塘秋。

送林衡者歸閩

五月關山樹影圓
送君吹笛柳陰船
征途題鴈愁中雨
故國桃榔夢裏天
夾際草荒書滿屋
連江人去鴈飛田
無諸臺上休南望
海色秋風又一年

自信

自信平生懶是真
底須辛苦踏征塵
每逢墟落愁戎馬
却聽風濤話鬼神
濁酒一杯今夜醉
好花明日故園春
長安冠蓋知多少
頭白江湖放

散人

新河夜泊

百尺荒岡十里津夜寒微雨濕荆榛
非關城郭炊烟少自是湖山戰鼓頻
倦客似歸因望樹遠天如夢不逢人
扁舟蕭瑟知無計獨倚篷牕暗惜神

將至京師寄當事諸老

莫嗟野老倦沉淪領畧青山未是貧
一自弓旌來退谷苦將行李累衰親
田因買馬頻書券屋

待牽船未結鄰今日巢由車下拜淒涼詩卷乞閒身

感舊

赤欄橋護上楊花翠羽雕籠語絳紗羨殺江州白司馬月明亭畔聽琵琶

臨清大雪

白頭風雪上長安襖褐疲驢帽帶寬辜負故園梅樹好南枝開放北枝寒

阻雪

關山雖勝路難堪
纔上征鞍又解驂
十丈黃塵千尺雪
可知俱不似江南